



Број: 01/5-50-3-5-20/13
Сарајево, 24. 1. 2013. године

**IZVJEŠTAJ O RADU KOMISIJE ZA SAOBRAĆAJ I KOMUNIKACIJE
PREDSTAVNIČKOG DOMA U 2012. GODINI**

Sarajevo, januar 2013. godine

Na osnovu člana 31. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06, 91/06, 91/07, 87/09 i 28/12), Komisija za saobraćaj i komunikacije Predstavničkog doma Parlamentarne skupštine Bosne i Hercegovine, na 20. sjednici, održanoj 24.1. 2013. godine, usvojila je

Izvještaj o radu Komisije za saobraćaj i komunikacije Predstavničkog doma u 2012. godini

Uvodne napomene

Komisija za saobraćaj i komunikacije Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Predstavničkog doma Parlamentarne skupštine BiH (u daljnjem tekstu: Predstavnički dom). Djelokrug Komisije određen je članom 45. Poslovnika Predstavničkog doma prema kojem Komisija razmatra pitanja koja se odnose na: putne isprave, boravak i kretanje stranaca, odnose s Interpolom, uspostavu i funkcioniranje zajedničkih i međunarodnih komunikacija, reguliranje međuentitetskog saobraćaja, kontrolu zračnog saobraćaja, kontrolu frekvencija i druga pitanja iz oblasti saobraćaja i komunikacija.

Predsjedavajući Komisije je Petar Kunić, prvi zamjenik predsjedavajućeg je Mirza Kušljugić, a drugi zamjenik je Božo Ljubić. Ostali članovi Komisije su: Borislav Bojić, Saša Bursać, Ismeta Dervoz, Anto Domazet, Zijad Jagodić i Šemsudin Mehmedović.

Predstavnički dom je na 24. sjednici, održanoj 15.3.2012., imenovao Sašu Bursaća za novog člana Komisije, umjesto Nikole Špirića, te Antu Domazeta, umjesto Mirsada Mešića.

Sekretar Komisije je Ahmed Jalovičić.

Komisija je aktivnosti zasnivala na Planu rada Komisije za 2012. godinu, te obavljala poslove iz svoje nadležnosti u skladu s procedurama utvrđenim Poslovníkom Predstavničkog doma.

POGLAVLJE I. SJEDNICE KOMISIJE

Odjeljak A. Statistički podaci o sjednicama

U izvještajnom periodu Komisija je održala devet sjednica, s ukupno 39 tačaka dnevnog reda, u okviru kojih je usvojila 16 zaključaka.

Na 10. sjednici Komisije, održanoj 31. 1. 2012., usvojen je Izvještaj o radu Komisije za 2011. godinu.

Na 11. sjednici Komisije, održanoj 12.3.2012., usvojen je Plan rada Komisije za 2012. godinu.

Osim zakonodavnih aktivnosti, potrebno je istaknuti razmatranje i informacija, izvještaja i drugih akata iz nadležnosti Komisije, kao i aktivnosti koje je Komisija sama inicirala.

Prosjeck prisustva članova Komisije sjednicama Komisije je 71 %, a sjednice su u prosjeku trajale 42 minuta.

Odjeljak B. Zakonodavne aktivnosti

Komisija je u 2012. godini razmatrala tri prijedloga zakona, i to:

1. Prijedlog zakona o izmjenama Zakona o Javnom radiotelevizijskom sistemu Bosne i Hercegovine, predlagači: poslanici Mladen Bosić, Darko Babalj, Borislav Bojić, Aleksandra Pandurević i Vesna Krstović-Spremo – Predstavnički dom je na 29. sjednici, održanoj 7.6.2012., prihvatio negativno mišljenje Komisije, pa je Prijedlog zakona odbijen u prvom čitanju;
2. Prijedlog zakona o izmjenama Zakona o Javnom radiotelevizijskom servisu Bosne i Hercegovine, predlagači: poslanici Mladen Bosić, Darko Babalj, Borislav Bojić, Aleksandra Pandurević i Vesna Krstović-Spremo – Predstavnički dom je na 29. sjednici, održanoj 7.6.2012., prihvatio negativno mišljenje Komisije, pa je Prijedlog zakona odbijen u prvom čitanju;
3. Prijedlog zakona o izmjeni i dopunama Zakona o komunikacijama, predlagač: Vijeće ministara BiH – Zakon je usvojen i objavljen u Službenom glasniku BiH, br. 98 /12.

Odjeljak C. Izvještaji o radu

U izvještajnom periodu Komisija je razmatrala izvještaje o aktivnostima institucija Bosne i Hercegovine za koje je nadležna komisija, i to:

1. Izvještaj o radu i finansijski izvještaj Agencije za poštanski saobraćaj BiH za 2011. godinu;
2. Izvještaj o radu Državne regulatorne komisije za električnu energiju za 2011. godinu;
3. Izvještaj o radu i poslovanju Radiotelevizije BiH za 2011. godinu;
4. Izvještaj Ministarstva komunikacija i prometa BiH o aktivnostima na projektu „Autoput na Koridoru 5c“ i plan narednih aktivnosti.

Odjeljak D. Imenovanja

U izvještajnom periodu Komisija je razmatrala prijedlog za imenovanje članova Upravnog odbora Javnog radiotelevizijskog servisa Bosne i Hercegovine iz srpskog i hrvatskog naroda - Predstavnički dom na 36. sjednici, održanoj 22.11.2012., i Dom naroda na 23. sjednici, održanoj 4.12.2012., za članove Upravnog odbora Javnog radiotelevizijskog servisa BiH imenovali su: Esada Gotovušu iz bošnjačkog naroda, Vladimira Marčetu iz srpskog naroda i Valentinu Rupčić iz hrvatskog naroda. Objavljeno u "Službenom glasniku BiH", broj 98/12.

POGLAVLJE II. OSTALE AKTIVNOSTI KOMISIJE

Odjeljak A. Aktivnosti vezane za razmatranje i usvajanje ostalih akata

1. Razmatranje inicijative poslanika Bože Ljubića da Predstavnički dom (oba doma Parlamentarne skupštine BiH) provedu raspravu o stanju i djelovanju javnih medija u Bosni i Hercegovini;
2. Razmatranje Informacije Ministarstva komunikacija i prometa BiH o procesu provođenja eSEE Agende⁺ za razvoj informacionog društva u regionu jugoistočne Evrope;
3. Razmatranje stanja u vezi sa istekom mandata članovima Upravnog odbora Javnog radiotelevizijskog servisa BiH;
4. Izvještaj o radu Komisije za saobraćaj i komunikacije Predstavničkog doma u 2011. godini;
5. Orijentacioni radni plan Komisije za saobraćaj i komunikacije Predstavničkog doma za 2012. godinu.

Odjeljak B. Međunarodna saradnja, seminari, konferencije i radni sastanci

Članica Komisije Ismeta Dervoz učestvovala je na seminaru o temi: “Uloga nacionalnih parlamenata država članica Vijeća Evrope u osiguranju nezavisnosti javnih medija”, koji je, u organizaciji Vijeća Evrope i u saradnji sa Saborom Republike Hrvatske, 15.10.2012. održan u Zagrebu.

Odjeljak C. Saradnja s drugim institucijama i organizacijama

Komisija je imala kontinuiranu saradnju s Vijećem ministara BiH i resornim Ministarstvom komunikacija i prometa BiH, pa su tako sjednicama prisustvovali njihovi predstavnici, koji su učestvovali u raspravama o zakonima i aktima koje je Komisija razmatrala.

Također je ostvarena i dobra saradnja s Vanjskotrgovinskom komorom BiH, čiji su predstavnici prisustvovali sjednicama Komisije.

Odjeljak D. Opća procjena

Može se konstatirati da je rad Komisije u 2012. godini bio uspješan i da su svi materijali iz nadležnosti Komisije blagovremeno razmatrani.

U domenu zakonodavnih aktivnosti Komisija nije realizirala postavljene zadatke utvrđene Planom rada Komisije. Naime, Komisija je Plan rada za 2012. godinu bazirala na Programu

rada Vijeća ministara za 2012. godinu, kojim je planirano da se u parlamentarnu proceduru uputi 13 prijedloga zakona iz nadležnosti Komisije. Međutim, Vijeće ministara tokom 2012. godine Predstavničkom domu umjesto planiranih 13 dostavilo je jedan prijedlog zakona iz nadležnosti Komisije (Prijedlog zakona o izmjeni i dopunama Zakona o komunikacijama).

Komisija je nastojala kontinuirano djelovati na poboljšanje stanja u oblastima za koje je nadležna i stoga je predlagala određene zaključke, kojima se od Vijeća ministara BiH i Ministarstva komunikacija i prometa BiH tražilo preduzimanje odgovarajućih aktivnosti s ciljem unapređenja stanja u sektoru saobraćaja i komunikacija.

Sastavni dio Izvještaja čini tabelarni pregled prisustva članova Komisije sjednicama.

PREDSJEDAVAJUĆI KOMISIJE
dr. Petar Kunić

**TABELARNI PREGLED PRISUSTVA SJEDNICAMA
KOMISIJE ZA SAOBRAĆAJ I KOMUNIKACIJE U 2012. GODINI**

| R.br. | Ime i prezime člana Komisije | Broj sjednice i datum održavanja sjednice Komisije | | | | | | | | |
|-------|------------------------------|--|------------|------------|------------|------------|-----------|-----------|-------------|------------|
| | | 10 | 11 | 12 | 13 | 14 | 15 | 16 | 17 | 18 |
| | | 31.1.2012. | 12.3.2012. | 29.3.2012. | 17.4.2012. | 22.5.2012. | 5.6.2012. | 6.9.2012. | 17.10.2012. | 5.11.2012. |
| 1. | Petar Kunić | + | + | + | + | + | + | + | + | + |
| 2. | Mirza Kušljugić | - | - | + | - | - | - | + | - | - |
| 3. | Božo Ljubić | + | + | - | + | + | + | - | - | + |
| 4. | Borislav Bojić | + | - | + | + | - | + | + | - | - |
| 5. | Ismeta Dervoz | + | + | + | + | + | - | + | + | + |
| 6. | Zijad Jagodić | + | + | + | - | + | + | + | + | + |
| 7. | Šemsudin Mehmedović | + | + | - | + | + | + | + | + | + |
| 8. | Saša Bursać | | | + | + | - | + | - | - | - |
| 9. | Anto Domazet | | | + | + | - | + | + | + | + |
| 10. | Mirsad Mešić | - | + | | | | | | | |